



Kristján Freyr, er þér sýningin afar hugleikin?

„Já, það er alveg deginum ljósara.“

Kristján Freyr Halldórsson er verslunarstjóri Bókabúðar Máls og menningar en þar fer fram sýning á verkum Hugleiks Dagssonar.

Hæstiréttur í Bandaríkjunum: Heilbrigðislög Obama standa

BANDARÍKIN, AP Heilbrigðislöggjöf Baracks Obama Bandaríkjaforseta og Demókrataflokksins stenst stjórnarskrá. Hæstiréttur Bandaríkjanna dæmdi í málinu í gær.



BARACK OBAMA

Obama sagði í gær að úrskurður hæstaréttar væri „sigur fyrir fólk um allt landið“.

Með löggjöfinni er nánast öllum Bandaríkjamönnum gert að hafa heilbrigðisþryggingu, en annars þurfa þeir að borga sektir. Repúblikanar hafa haldið því fram að með lagasetningunni hafi þingið gengið of langt og farið út fyrir valdsvið sitt.

Alls voru 26 ríki meðal þeirra sem stefndu alríkinu fyrir hæstarétt. Þau töldu að alríkið væri að setja íþyngjandi lög fyrir ríkin. Frá og með 2014 munu tryggingafyrirtæki þurfa að borga sjúkrakostnað fólks. Dómurinn klofnaði í afstöðu sinni.

- þeb

Ísland ályktar um Sýrland:

Slegin óhug yfir ofbeldisverkum

MANNRETTINDI Ísland lýsir yfir óhug og þungum áhyggjum af stöðu mannréttindamála í Sýrlandi og hvetur til þess að mögulegum kerfisbundnum brotum, sem kunni að reynast glæpir gegn mannkyni, verði vísað til Alþjóðlega sakamáladómstólsins.

Fjöldi ríkja gaf út sameiginlega yfirlýsingu þess efnis á fundi Mannréttindaráðs Sameinuðu þjóðanna í gær og var Ísland hluti af henni, að því er segir í frétt utanríkisráðuneytisins. Tilfnið er skýrsla rannsóknarnefndar mannréttindaráðsins um meint mannréttindabrot í Sýrlandi, þar með talin fjöldamorðin í El-Houleh. - sh

Mál sem reyna á mismunandi álitamál vegna gengistryggðra lána til dómstóla:

Ellefu prófmál fá flýtimeðferð fyrir dómi

DÓMSMÁL Ellefu prófmál, sem ætlað er að skýra réttarstöðu þeirra sem hafa gengistryggð lán, hafa verið valin og fara fyrir héradsdóm á næstunni. Frá þessu greindi Einar Hugi Bjarnason lögmaður á fundi um fjármögnunarsamninga, sem Samtök atvinnulífsins, Samtök iðnaðarins og Samtök verslunar og þjónustu héldu í gær.

Einar Hugi sat í samráðshópi fjögurra lögmanna sem tilnefndir voru annars vegar af umboðsmanni skuldara og hins vegar af Samtökum fjármálafyrirtækja. Hópurinn greindi meðal annars þau álitæfni sem nauðsynlegt þótti að láta reyna á fyrir dómi. Þau voru 21 talsins. Þá átti hópurinn að velja mál sem

þóttu hentugust til að bera undir dómstóla.

Í hverju máli reynir þó aðeins á nokkur álitæfnanna. Þess vegna þurfti að velja ellefu mál; sex sem tengjast lánum einstaklinga og fimm sem tengjast málum fyrirtækja.

Náðst hefur samkomulag við héraðsdómstóla, með hjálp innanríkisráðuneytisins, um að þessi mál fái flýtimeðferð. Tvö þeirra hafa þegar verið þingfest, og önnur verða þingfest í haust. Gert er ráð fyrir að dómur verði fallinn í þeim öllum fyrir júl.

Auk þess hefur verið rætt um að málin fái sams konar meðferð fyrir Hæstarétti. Gangi það eftir gæti endanleg niðurstaða verið komin í öll málin næsta sumar.

- þeb



FJÖLMEINT Á FUNDI Troðfullt var á fundinum í gærmorgun, enda margir sem gengislánadómarnir snerta.

FRÉTTABLAÐIÐ/GVA

Vill ekki „tákn um sundrunu“ hjá Jóni

Skipulagsráð samþykkir að Svarta keilan verði við horn Austurvallar. Santiago Sierra gefur listaverkið sem minnisvarða um borgaralega óhlýðni. Fulltrúi Sjálfstæðisflokks segir óviðeigandi að velja sundrungartákn stað á Austurvelli.

SKIPULAGSMÁL „Mér finnst að Jón Sigurðsson, okkar sameiningartákn, eigi að fá að vera þarna í friði,“ segir Marta Guðjónsdóttir, fulltrúi Sjálfstæðisflokks í skipulagsráði Reykjavíkur. Marta er andvíg því að listaverkið Svarta keilan verði á Austurvelli.

Skipulagsráðið samþykkti fyrir sitt leyti á miðvikudag að „Svarta keilan, minnisvarði um borgaralega óhlýðni“ verði á hellulögðu torgi á horni Kirkjustrætis og Thorvaldsensstrætis. Verk Santiagos Sierra hefur verið á Austurvelli frá því í janúar. Sierra bauð borginni verk í að gjöf með því skilyrði að það yrði áfram á Austurvelli. Listasafn Reykjavíkur lagði til að gjöfin yrði þegin og menningarráð borgarinnar tók undir það. Hugmyndin var að Svarta keilan yrði framvegis í suðvesturhorni vallarins en ekki beint framan við Alþingishúsið. Alþingi lýsti sig hins vegar andvíg staðsetningu Svörtu keilunnar á Austurvelli yfirhöfuð þar sem verk íð spillti heildarmynd Austurvallar.

Marta segir afstöðu sína byggjast á því að Austurvöllur sé sögufrægur staður sem hafi verið vettvangur margra stórra atburða. Þar sé ekkert annað en blóm, tré og gras og síðan stytan af Jóni Sigurðssyni.

„Þegar stytturni var komið fyrir þar var það hugsun manna að þarna væri aðeins ein stytta og að hún yrði af Jóni Sigurðssyni. Það er alls ekki við hæfi að við séum að koma fyrir einhverju



SVARTA KEILAN Ef samþykkt skipulagsráðs verður staðfest í borgarráði stendur granitverk Santiagos Sierra ekki lengur andspænis aðalinngangi Alþingis heldur verður flutt á horn Kirkjustrætis og Thorvaldsensstrætis.

FRÉTTABLAÐIÐ/PIJETUR

sundrungartákn á þessum stað því Jón Sigurðsson var og er sameiningartákn þjóðarinnar,“ segir Marta sem kveður enn fremur óásættanlegt að þiggja listaverk með skilyrðum um staðsetningu.

Hafþór Yngvason, safnstjóri Listasafns Reykjavíkur, segir nýja staðarvalið koma til móts við sjónarmið Alþingis. Þá tekur hann ekki undir skilgreiningu Mörtu Guðjónsdóttur á eðli listaverksins. „Það er ekki sundrungartákn heldur lýðræðis- tákn sem minnir á grundvallarprinsipp lýðræðisins – að valdið liggur hjá fólkinu endanlega.“

Þinghúsinu sem er okkar helsta tákn um lýðræði,“ segir safnstjórinn. Marta hefur aðra sýn. „Þetta listaverk á að vera tákn um hrundi og búsáhaldaþynginguna en hvað var fólk að biðja um í búsáhaldaþyngingunni? Það var að biðja um lýðræðisumbætur. Síðan þegar tekin er ákvörðun um staðsetningu þessa listaverks er fólk sem bað um lýðræðisumbæturnar ekki spurt hvar verkið eigi að vera. Þá á bara að taka ákvörðunina í lokuðum bakherbergjum.“

HAFÞÓR YNGVASON SAFNSTJÓRI LISTASAFNS REYKJAVÍKUR.

gar@frettabladid.is



MARTA GUÐJÓNSDÓTTIR

HAFÞÓR YNGVASON

Stærsti loftsteinsgígur heims: Risagígur á Grænlandi

GRÆNLAND Gígur, sem er 600 km í þvermál og stærri en Danmörk, myndaðist á Grænlandi þegar loftsteinn, sem var þrjú kílómetrar í þvermál, hrapaði þar fyrir þremur milljörðum ára.

Þetta er niðurstaða rannsóknar danskra vísindamanna, að því er greint er frá á vef danska ríkisútvarpsins. Gígurinn er sagður sá stærsti í heimi.

Loftsteinninn lenti á jörðunni með 20.000 km hraða á sekúndu. Talið er að flóðbylgjan sem fylgdi í kjölfarið kunni að hafa verið talsvert yfir 100 m að hæð, farið hringinn í kringum hnöttinn og mætt sjálfri sér.

- ibs

Stórfellt amfetamínsmygl: Smygluðu dópi í sápubrúsum

DÓMSMÁL Ríkissaksóknari hefur ákært þrjú pólska karlmenn fyrir að flytja til landsins 8,6 kíló af amfetamíni um miðjan apríl.

Mennirnir, tveir 29 ára og einn 22 ára, komu til Íslands með flugi frá Varsjá 15. apríl. Tveir þeirra komust óárettir í gæðum tollinn í Leifsstöð og héldu í átt til Reykjavíkur með leigubíl. Þegar fíkniefni fundust í farangri þess þriðja áttuðu yfirvöld sig þegar í stað á því að hann hefði ekki verið einn á ferð og eltu félagana tvo uppi. Þeir voru handteknir á leið inn í borgina.

Í farangri hvers og eins fundust þrjú brúsar utan af Johnson's-sturtusápu og tveir merktir Gillette-raksápu – alls fimmtán pakkningar – allir fullir af amfetamíni. Fjórir maðurinn, Pólverji búsettur hér á landi, var handtekinn í kjölfarið og úrskurðaður í gæsluvarðhald ásamt hinum þremur. Hann er ekki ákærður í málinu.

Ákæran verður þingfest í Héraðsdómi Reykjavíkur í dag. - sh

...endilega fá ið ykkur



Efirlæti

...hvert er pitt eftirlæti?



Útivist er þema fyrstu ljósmyndasamkeppni Fréttablaðsins af fjórum í sumar:

Forsíðumynd og flugmiðar með Wow-air í fyrstu verðlaun

SAMKEPPNI Útivist er þema fyrstu ljósmyndasamkeppni sumarsins sem Fréttablaðið efnir til meðal lesenda sinna. Þeir eru hvattir til að senda sem fjölbreytilegastar myndir af viðfangsefnum sem tengjast útivist með einum eða öðrum hætti.

Besta myndin verður birt á forsíðu Fréttablaðsins og aðrar verðlaunamyndir inni í blaðinu. Þá fær myndasmiður bestu myndar tvo flugmiða með Wow-air í verðlaun en í önnur og þriðju verðlaun eru leikhúsmiðar fyrir tvo í Borgarleikhúsið.

Skilafrestur fyrir myndirnar er miðvikudagurinn 4. júlí klukkan 12 og þær skal senda á netfangið



VERÐLAUNAMYND Þessi mynd bar sigur úr býtum í páskamyndasamkeppni Fréttablaðsins í apríl.

MYND/HULDA RÓS HÁKONARDÓTTIR

ljósmyndasamkeppni@frettabladid.is.

Þessi keppni eru sú fyrsta í röð

fjögurra sem Fréttablaðið efnir til í sumar. Þema hvernar keppni verður kynnt er nær dregur.